



Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI
Broj: 003-0-Su-26-000 654
Datum, 06.08.2026. godine

ZAKLJUČCI

U organizaciji Kantonalnog suda u Tuzli dana 22.07.2026. godine, održan je Okrugli sto na temu: „Unapređenje saradnje pravosuđa i medija“. Učesnici okruglog stola bili su predstavnici Visokog sudskog i tužilačkog vijeća Bosne i Hercegovine, Ambasade Sjedinjenih Američkih Država u BiH, Misije OSCE-a u BiH, Vijeća za štampu i online medije u BiH, te predstavnici pravosudnih institucija i novinarske zajednice.

Kroz diskusiju i razmjenu iskustava u radu, učesnici su iznijeli prijedloge za unapređenje saradnje pravosuđa i medija, a tom prilikom doneseni su i sljedeći zaključci:

1. Daje se puna podrška organizovanju ovakvih i sličnih događaja s ciljem razmjene međusobnih iskustava, unapređenja odnosa između pravosudnih institucija, medija i građana, kao i medijskog izvještavanja o sudskim i tužilačkim postupcima.
2. Pravosudne institucije trebaju razvijati proaktivnu i pravovremenu komunikaciju s javnošću putem službenika za informisanje, internet stranica, društvenih mreža i drugih dostupnih komunikacijskih kanala, uz puno poštivanje pretpostavke nevinosti, zaštite privatnosti i integriteta sudskih postupaka.
3. Neophodno je nastaviti sa organizovanjem ovakvih i sličnih događaja s predstavnicima medija, pravosudnih institucija, policije, akademske zajednice i organizacija civilnog društva.
4. Preporučuje se organizovanje tematskih stručnih konferencija o pitanjima od posebnog javnog interesa, uključujući femicid, nasilje u porodici, korupciju, organizovani kriminal i zločine iz mržnje, s ciljem unapređenja kvaliteta komunikacije između pravosuđa i medija i odgovornog izvještavanja.
5. Preporučuje se kontinuirana edukacija predstavnika pravosuđa i medija o standardima izvještavanja o sudskim postupcima, slobodi izražavanja, zaštiti prava stranaka u postupku i ulozi transparentnosti u jačanju povjerenja javnosti u pravosuđe.